



Broj: 05-1010-12/15
Sarajevo, 06. 05. 2015. godine

Temeljem članka 70. Zakona o javnim nabavkama („Službeni glasnik BiH“ broj: 39/14), članka 22. Statuta Agencije za bankarstvo Federacije Bosne i Hercegovine („Službene novine Federacije BiH“, broj 42/04) i Izvještaja Komisije za provođenje postupka nabavke softverskog osiguranja za Microsoft licence za potrebe Agencije za bankarstvo Federacije BiH broj: 05-1010-11/15 od 20. 04. 2015. godine, direktor Agencije donosi

O D L U K U
o izboru najpovoljnijeg ponuđača

I.

Privredno društvo „Ping“ d.o.o. Sarajevo bira se za najpovoljnijeg ponuđača za nabavku softverskog osiguranja za Microsoft licence za potrebe Agencije za bankarstvo Federacije BiH nakon provedenog otvorenog postupka nabavke te programske opreme.

II.

Po pravosnažnosti ove odluke Agencija će s najpovoljnijim ponuđačem zaključiti ugovor kojim će se regulisati međusobna prava i obaveze ugovornih strana vezane za predmetnu nabavku, shodno zahtjevima Agencije navedenim u tenderskoj dokumentaciji i zakonskim propisima koji uređuju postupke ugovaranja.

III.

Izvještaj komisije, broj i datum iz uvodnog dijela ove odluke, čini njen sastavni dio.

IV.

Ova odluka stupa na snagu danom donošenja, a objavit će se na internetskoj stranici Agencije za bankarstvo Federacije BiH.

Obrazloženje

Agencija za bankarstvo Federacije BiH provela je otvoreni postupak javne nabavke softverskog osiguranja za Microsoft licence, po Odluci Agencije o pokretanju postupka javne nabavke broj: 05-1010-1/15 od 20. 03. 2015. godine.

Obavještenje o nabavci objavljeno je na Portalu javnih nabavki pod brojem: 3010-1-1-2-3-2/15 od 20. 03. 2015. godine.

Procijenjena vrijednost nabavke iznosi 65.000,00 KM, što podrazumijeva iznos bez uračunatog poreza na dodanu vrijednost (PDV).

Ponude po ovom postupku nadmetanja podnijelo je ukupno pet ponuđača. Postupak predmetne nabavke provela je komisija imenovana od strane direktora Agencije.

Nakon provedenog postupka pregleda i ocjene prispjelih ponuda, komisija je utvrdila da ponuđač „SK Tradeing“ d.o.o. Sarajevo ne ispunjava kvalifikacijske uslove nadmetanja, te da su ponuđači 1) „Asbis“ d.o.o. Sarajevo, 2) „Kodeks“ d.o.o. Sarajevo i 3) „QSS“ d.o.o. Sarajevo ponudili softversko osiguranje za Microsoft licence s promjenjivom cijenom tokom trajanja ugovornog odnosa, što je u suprotnosti s uslovima i zahtjevima iz tenderske dokumentacije za predmetnu nabavku, pa su ponude dostavljene od strane navedenih subjekta ocijenjene kao neprihvatljive za Agenciju.

Vršeci pregled i usporbu pristiglih ponuda, komisija je dalje ustanovila da jedino ponuda ponuđača „Ping“ d.o.o. Sarajevo u cijelosti ispunjava kvalifikacijske uslove nadmetanja navedene u tenderskoj dokumentaciji, kao i zahtjeve vezane za cijenu licence - ponuđena fiksna cijena koja se neće mijenjati u toku izvršenja ugovora, kako je predviđeno tenderskom dokumentacijom, te dala preporuku da se ugovor po ovom predmetu nabavke dodijeli navedenom ponuđaču.

U skladu s navedenim, pridržavajući se odredbi Zakona o javnim nabavkama, kao i uslova navedenih u tenderskoj dokumentaciji, odlučeno je kao u izreci.

Pravna pouka:

Protiv ove odluke može se izjaviti žalba ugovornom organu – Agenciji za bankarstvo Federacije BiH, u skladu s članovima 97. i 101. Zakona o javnim nabavkama (“Službeni glasnik BiH” broj: 39/14).

Žalba se podnosi u pisanom obliku – u tri primjerka, u roku od 10 (deset) dana od primitka ove odluke.



Dostaviti:

- svim ponuđačima
- a.a.